

Johtočála 2024-19

Dáhton 27.06.2024
Buhtada johtočállaga:

Njuolggadus doarjaga birra orohatplánaide - kommentárat njuolggadussii

Sisdoallu

Álggahus	2
Obbalašgovva rievdadusaid badjel	2
Njuolggadusa mearrádusat	3
§ 1. Ulbmil	3
Kommentárat mearrádussii	3
§ 2. Doarjjaevtut	3
Kommentárat mearrádussii	3
§ 3. Doarjaga mearri	4
Kommentárat mearrádussii	4
§ 4. Gáibádusat ohcamii	4
Kommentárat mearrádussii	4
§ 5. Raporteren	5
Kommentárat mearrádussii	5
§ 6. Máksin	5
Kommentárat mearrádussii	6
§ 7. Dieđihangeatnegasvuohta	6
Kommentárat mearrádussii	6
§ 8. Boasttumáksimiid njulgen	6
Kommentárat mearrádussii	6
§ 9. Unnideapmi ja doarjaga dollen	7
Kommentárat mearrádussii	7
§ 10. Ruoktotmáksima dahje unnidanmeari sisagáibideapmi	8
Kommentárat mearrádussii	9
§ 11. Váidinvejolašvuohta	9
Kommentárat mearrádussii	10
§ 12. Fápmuibohtin	10

Kommentárat mearrádussii.....	10
-------------------------------	----

Álggahus

Doarjja orohatplánaide lea mearriduvvon njuolggadusas geassemánu 20. beaivvi nr. 1069 doarjaga birra orohatplánaide, man Eanandoallo- ja biebmodepartemeantta lea bidjan geassemánu 20. beaivvi 2024 Stuoradikki jahkásaš mearrádusa boazodoallošiehtadusa olis. Njuolggadus boahtá fápmui suoidnemánu 1. beaivvi 2024

Obbalašgovva rievdadusaid badjel

Šiehtadanbealit leat šiehttan ahte galgá várrejuvvot ruhta doarjagii orohatplánaide ja boazodoalloplánaide, vrd. boazodoallošiehtadusa čuokkis 2. 17. Várrejuvvon ruhta galgá gustot golmma jagi áigodahkii.

Ortnet lea viidasit fievrereduvvon ja viiddiduvvon ovddeš ortnegis doarjaga birra ásahit orohatplána orohagaide main váilu orohatplána Boazodoalu ovddidanfoandda njuolggadusa mielde, mii ásahuvvui boazodoallošiehtadusa 2022/2023 mielde. Dal sáhttet sihke orohagat ja boazosearvvit oažžut doarjaga ráhkadit ođđa orohatplánaid ja boazodoalloplánaid, dahje rievdadit plánaid mat gávdnojit. Doarjjamearri lea lassánan ja dal sáhtta oažžut doarjaga gitta 40 000 ruvnno. Orohat 16 sáhtta oažžut doarjaga gitta 60 000 ruvnno.

Njuolggadusa mearrádusat

§ 1. Ulbmil

Doarjja galgá doarjut ahte orohagain ja boazoservviin leat ođasmahttojuvvon orohatplánat ja boazodoalloplánat.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Orohatplánat ja boazodoalloplánat leat dehálaš reaidut áimmahuššat orohagaid beroštumiid areálaáššiin ja dahká máhtovuodu almmolaš eiseválddiide. Dieđut plánain leat dehálaččat almmolaš plánemis.

§ 2. Doarjjaeavttut

Orohagat ja boazosearvvit mat leat ráhkadeame orohatplánaid dahje ođasmahttime boares plánaid sáhttet oažžut doarjaga.

Orohatplána galgá ráhkaduvvot boazodoallolága § 62 mielde.

Orohatplána dahje boazodoalloplána galgá leat mearriduvvon maŋemusat jagi maŋgel go doarjja lea juolluduvvon. Eanandoallodirektoráhtta sáhttá erenoamáš oktavuođain spiehkastit áigemearis.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš lađas

Eai leat kommentárat.

Nubbi lađas:

Orohatstivra galgá dohkkehit orohatplána, ja dohkkehuvvon orohatplána galgá sáddejuvvot suohkanii, fylkkasuohkanii ja stáhtahálddašeaddjái, ja guoskevaš ránnjáorohagaide. Boazodoalloláhka § 62 bidjá gáibádusaid orohatplánaid sisdollui. Orohatplánat galget leat ráhkaduvvon dan mearrádusa mielde vai devdet eavttuid doarjaga oažžut dan ortnega mielde.

Šiehtadanbealit leat bidjan eaktun oažžut doarjaga ahte NIBIO málle orohatplánaide geavahuvvo. Málle orohatplánaide lea buorre reaidu orohagaide, ja almmolaš eiseválddiide lea álkibut dovdat orohatplánaid go dain lea seammalágan struktuvra ja sisdoallu. Bargojoavku mas leat Norgga Boazosápmelaččaid riikkasearvvi areálaáššiid ráđđádallanbálvalusa ovddasteaddjit, Trøndelága, Nordlándda ja Romssa ja Finnmárkku stáhtahálddašeaddji ovddasteaddjit, Eanandoallodirektoráhta ovddasteaddjit ja Eanandoallo- ja biebmodepartemeantta ovddasteaddjit ráhkadit ovtastuvvan málle orohatplánaide, man lea álki geavahit. Ođđa málle gárvana borgemánu 2024 ja galgá gávdnot Eanandoallodirektoráhta neahttasiidduin.

Eanandoalldirektoráhtta ávzzuha ahte málle geavahuvvo, muhto fuomášahtta ahte eaktu § 2 nuppi laððasis ii gáibit dan. Orohatplánat mat leat ráhkaduvvon boazodoallolága § 62 mielde devdet eavttuid doarjagii, vaikko málle ii leat geavahuvvon.

Boazodoalloláhka § 62 ii gusto boazoservviide mat ráhkadit boazodoalloplána. Boazodoalloplána berre liikká sisttisoallat seamma dieðuid go dat mat bohtet ovdan boazodoallolágas § 62 nuppi laððasis heivvolaš vuogi mielde. Boazosearvi doaibma lea seamma ládje go orohagaide dehálaš almmolaš plánemis.

Kommentert [AA1]: Stemmer henvisning til loven?

Goalmmát laðas:

Lea biddjon áigemeari dohkkehit orohatplána dahje boazodoalloplána jagi mañjel go doarjja juolluduvvui. Áigemeari lea biddjon dainna ulbmiliin ahte Eanandoalldirektoráhtta galgá sáhttit čuovvolit orohagaid ja boazoservviid mat leat ožžon doarjaga dan ortnega mielde.

Eanandoalldirektoráhtta sáhtta dispenseret áigemeariis erenoamáš oktavuoðain, dispensašuvdna sáhtta addojuvvot konkrehtalaš árvvoštallama vuodul. Erenoamáš oktavuoðat leat oktavuoðat go erenoamáš dahje eahpedábálaš dilálašvuhta man orohat dahje boazosearvi ii livčče sáhttán vuordit, lea dagahan ahte áigemeari ii sáhte doallat.

§ 3. Doarjaga mearri

Orohatplánaid dahje boazodoalloplánaid doarjjajuolludeapmi sáhtta leat gitta 40 000 ruvdnosaš.

Orohat 16 sáhtta oazžut doarjaga gitta 60 000 ruvnno.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.

§ 4. Gáibádusat ohcamii

Ohcamuš galgá sáddejuvvot Eanandoalldirektoráhttii sierra skovis.

Ohccis lea ovddasvástádus das ahte ohcan lea dievaslaččat ja riekta devdojuvvon.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš laðas

Eanandoalldirektoráhtta ráhkada sierra skovi man galgá geavahit go ohcá doarjaga orohatplánaide. Jus ohcci ii geavat sierra skovi, dahje sádde skovi mas leat váilevaš dieðut, de sáhtta ohcci bivdojuvvot deavdit skovi oððasit dahje mañjel sáddet váilevaš dieðuid.

Eanandoalldirektoráhtta

Nubbi lađas:

Ohccis lea alddis ovddasvástádus ahte ohcan lea dievaslaččat ja riehta devdojuvvon. Váilevaš ohcamat hilgojuvvojit jus ohcci ii atte dieđuid Eanandoalldirektoráhttii mat leat dárbbaslaččat meannudan dihte ohcama.

Jus ohcci addá boasttudieđuid dahje váilevaš dieđuid ohcamis mat leat dahje livčče sáhttán dahkat vuodu boasttumáksimii, de sáhtá doarjja unniduvvot oalát dahje belohakkii vrd. § 9.

§ 5. Raporteren

Doarjjavuostáiváldi galgá golmma mánu sisa maŋŋel go orohatplána dahje boazodoalloplána lea mearriduvvon sáddet raportta Eanandoalldirektoráhttii, mii sisttisdoallá čilgehusa das mo doarjja lea geavahuvvon ja mearriduvvon orohatplána dahje boazodoalloplána.

Eanandoalldirektoráhtta sáhtá erenoamáš oktavuođain spiehkastit raporterenáigemearis.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš lađas: Gáibádusat raporteremii

Doarjaga geavaheami goluid galgá sáhttit duođaštit. Váilevaš raporteren sáhtá dagahit ahte 50 proseantta doarjagis ii máksojuvvo, vrd. § 6. Jus doarjjavuostáiváldi ii sáhte duođaštit ahte orohatplána lea dohkkehuvvon jagi sisa maŋŋel doarjjajuolludeami vrd. § 2 goalmát lađas, de sáhtá máksojuvvon doarjja gáibiduvvot ruovttoluotta máksojuvvo dahje gessojuvvo boahhtevaš doarjjamáksámušain vrd. § 10 vuosttaš lađas vrd. § 8.

Nubbi lađas: Manjduvvon raporterenáigemearri

Jus doarjjavuostáiváldi ii sáhte doallat áigemeari vuosttaš lađđasis, de sáhtá Eanandoalldirektoráhtta dispenseret raporterenáigemearis "erenomáš oktavuođain". Manjduvvon áigemearri sáhtá addojuvvot árvošteami vuodul. "Erenomáš oktavuohta" sisttisdoallá dábálaččat erenoamáš dahje eahpedábalaš dilálašvuođa man doarjjavuostáiváldi govtolaččat ii sáhtán vuordit, mii dagaha ahte áigemeari ii sáhte doallat. "Erenomáš oktavuohta" sáhtá leat ovdamearkka dihte buozalmasvuohta dahje eará vuordekeahtes dāhpáhus.

Doarjjavuostáiváldi mii dárbbasa manjduvvon áigemeari raporteremii ferte nu bures go sáhtá duođaštit Eanandoalldirektoráhttii maŋideami dárbbu siva, nu bures go dan lea vejolaš duođaštit. Dábálaččat jearrá Eanandoalldirektoráhtta dieđuid doarjjavuostáiváldis das ahte manin raporta ii leat bohtán jus lea gollan eambo go jahki ja golbma mánu dan rájes go doarjja juolluduvvui ja doarjjavuostáiváldi ii leat addan dakkár dieđuid.

§ 6. Máksin

Eanandoalldirektoráhtta sáhtá máksit 50 proseantta doarjagis go doarjja juolluduvvo. Nubbi 50 proseantta máksojuvvo maŋŋel go Eanandoalldirektoráhtta lea dohkkehan doarjjavuostáiváldi raporterema.

Gáldu: [Forskrift om tilskudd til distriktsplaner](#) (Lovdata)

Eanandoalldirektoráhtta

Kommentárat mearrádussii

50 proseantta doarjagis máksojuvvon go doarjja juolluduvvo, jus doarjjavuostáiváldi deavdá eavttuid doarjagii. Nubbi 50 proseantta máksojuvvon manjel go raporta lea sáddejuvvon ja gieđahallojuvvon.

Raporteren Eanandoalldirektoráhttii ferte deavdit gáibádusaid mat bohtet ovdan njuolggadusa § 5 vuosttaš ladđasis. Orohatplána dahje boazodoalloplána galgá leat dohkkehuvvon manjemusat jagi manjel doarjjajuolludeami vrd. § 2 goalmát ladđasa, ja raporta galgá sáddejuvvot Eanandoalldirektoráhttii manjemusat golbma mánu manjel go orohatplána dahje boazodoalloplána dohkkehuvvui vrd. § 5 vuosttaš ladás.

§ 7. Diedihangeatnegasvuohta

Doarjjavuostáiváldi lea dán njuolggadusa mielde geatnegahtton addit buot dieđuid maid boazodoallohálldahus dárbaša vai sáhtá hálldašit doarjjaortnega.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádusa mielde lea doarjjavuostáiválldiin, sihke vejolaš vuostáiválldiin ja duohta vuostáiválldiin, geatnegasvuohta addit boazodoalloeiseváldiidde daid dieđuid maid sii sihtet ortnega hálldašeami oktavuodas. Dat guoská sihke áššegieđahallama oktavuodas ja sáddejuvvon áššemearrádusa čuovvoleami oktavuodas. Mearrádusa galgá ipmirdit nu ahte boazodoalloeiseválddit sáhttet dušše gáibidit dieđuid mat leat guoskevaččat áššegieđahallamii.

Boazodoalloeiseválddiin oaivvilduvvo stáhtahálldašeaddji, Eanandoalldirektoráhtta ja Eanandoallo- ja biebmodepartemeantta. Eanandoalldirektoráhtta dat meannuda ohcamiid ja dahká áššemearrádusaid doarjaga birra, Eanandoallo- ja biebmodepartemeantta lea váiddalávdegoddi vrd. § 11. Stáhtahálldašeaddjis ii leat hálldašanrolla doarjjaortnegis, muhto sidjiide galgá boazodoallolága § 62 mearrádusaid mielde sáddejuvvot loahpalaš dohkkehuvvon orohatplána.

Boazodoalleiseválddit dábálaččat bivdet doarjjavuostáiváldi skáhppot dieđuid ja duođaštusaid mat čuvgejit ohcci ášši. Jus doarjjavuostáiváldi ii atte daid dieđuid maid eiseváldit bivdet, de fertejit boazodoalloeiseválddit mearridit ášši daid dieđuid ja duođaštusaid vuodul mat gávdnojit.

§ 8. Boasttumáksimiid njulgen

Boazodoalloeiseválddit sáhttet njulget boasttuvuođaid máksojuvvon doarjagiin, juogo manjelmáksimiid bokte dahje doarjaga ruoktotmáksingáibádusa bokte doarjjaoažžus.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádus dárkkuha ahte boazodoalloeiseválddit sáhttet njulget boasttumáksimiid. Boazodoalloeiseválddit sáhttet dakkár oktavuodain gáibidit ruovttoluotta máksojuvvot badjelmeara máksojuvvon doarjaga, dahje manjel máksit doarjaga mii lea beare unnán máksojuvvon.

Mearrádus guoská sihke dalle go duohta máksin ii oktiivástit doarjjasupmiin áššemearrádusas, ja dalle go máksinmearrádus manŋel čájehuvvo leat vuodđuduvvon boasttodieđuide, mat leat dagahan boasttomáksima.

Doarjja mii lea beare unnán máksojuvvon njulgejuvvo dan bokte ahte boazodoalloeiseválddit mákset váilevaš supmi doarjjavuostáiváldái. Doarjjavuostáiváldi oažžu dieđu go dat lea dahkkon.

Doarjja mii lea beare olu máksojuvvon sáhtá gáibiduvvot ruovttoluotta máksojuvvot jus dat lea boazodoalloeiseválddit konkreetalaš árvvoštallama mielde govtolaš. Árvvoštallamis váldojuvvo vuhtii ahte doarjja lea máksojuvvon go máksin galgá njulgejuvvot. Jus doarjjavuostáiváldi ipmirdii dahje livčče galgan ipmirdit ahte máksámuš lei boastut, de galget buorit ákkat vai doarjja ii gáibiduvvo ruovttoluotta máksojuvvot.

Jus boazodoalloeiseválddit fuomášit ahte álgoálgosaš doarjjamearrádus lea vuodđuduvvon boasttudieđuide, dahje ahte doarjjasubmi lea boastut dieđuid ektui, de fertejit boazodoalloeiseválddit rievdadit áššemearrádusa hálldašanlága § 35 mielde. Jus áššemearrádusrievdadus árvvoštallojuvvo dakkár vugiin mii ii leat buorin doarjjavuostáiváldái, de ferte doarjjavuostáiváldi oažžut dieđu dan birra vai sáhtá buktit cealkámuša áššis. Doarjjavuostáiváldi oažžu de áššemearrádusa rievdadeami birra seammás go oažžu ruovttoluottamáksingáibádusa.

§ 9. Unnideapmi ja doarjaga dollen

Jus doarjjavuostáiváldi lea fuollameahttumit addan boasttu- dahje váilevaš dieđuid ohcamušas, mii lea dahje livčče sáhtán dahkat eahpevuoigaduvvon doarjjamáksámuša, de sáhtá olles dahje oassi doarjagis unniduvvot.

Jus doarjjavuostáiváldi lea fuollameahttumit dahje eaktodáhtolaččat doaimmahan boazodoalus dakkár vugiin mii rihkku boazodoalu lágaidda dahje njuolggadusaid, de sáhtá olles dahje oassi doarjagis dollejuvvot dassážii doaimma fas lea lobálaš. Jus dakkár rihkkuma oktavuodas lea duođalaš eaktodáhtolašvuodas sáhka, de sáhtá olles dahje oassi doarjagis unniduvvot.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Obbalaččat unnideami birra

Unnideapmi mielldisbuktá ahte boazodoalloeiseválddit unnidit doarjaga man ohcci livčče sáhtán oažžut.

Bajit mihttu unnidanmearrádusain lea čavget ohcci várrogasvuodas go deavdá ohcamuša. Unnideami ulbmilin ii leat ránggaštit ja ii galgga oidnojuvvot ránggáštussan.

Ohcci mii ieš dieđiha stáhtahálldašeaddjái ahte lea addán boasttudieđuid, su doarjjasubmi dábalaččat ii unniduvvo.

Vuosttaš lađas: Unnideapmi boasttodieđuid oktavuodas ohcamis

§ 9 vuosttaš lađđasa mielde sáhtá doarjja unniduvvot jus doarjjavuostáiváldi lea fuollameahttumit dahje eaktodáhtolaččat addán váilevaš- dahje boasttudieđuid ohcamušas, ja dat dieđut leat dahje livčče sáhtán dahkat vuodá doarjaga boasttumáksimii.

Boasttudiehtu lea go dieđut ohcamušas eai oktiivástit duohta diliin.

Boasttudieđu boadusin galgá dasa lassin leat ahte doarjjavuostáiváldi lea ožžon, dahje livčče sáhtán oažžut eambo doarjaga go dan maid livčče galgan oažžut.

Doarjjavuostáiváldi ferte láhtten fuollameahttumit

Doarjjavuostáiváldi galgá addán boasttodieđuid “fuollameahttumit”. Dat mielddisbukta ahte doarjja ii sáhte unniduvvot jus boasttodieđut addojuvvo buori jáhkus, das oaivilduvvo ahte ohcci ii ipmirdan dahje livčče galgan ipmirdit ahte dieđut ohcamis ledje boastut.

Unnidansubmi

Boazodoalloeiseválddit sáhttet “oalát dahje belohakkii” unnidit doarjaga. Hálldašanpraksiisa mielde unniduvvo doarjjasubmi dakkár supmiin mii oktiivástida lassánemiin man boasttodiehtu livčče dahkan.

Nubbi lađas vuosttaš čuokkis: Doarjaga dollen njuolggadusrihkuma oktavuodas

Mearrádus gusto dalle go doarjjavuostáiváldi rihkku dahje lea rihkkon boazodoalu lágaid dahje njuolggadusaid. Boazodoallogála lassin, oktan gullevaš njuolggadusain ja boazodoallošiehtadusa njuolggadusain, de sáhttet dakkár njuolggadusat leat ovdamearkka dihte ellidčálgoláhka gullevaš njuolggadusaiguin. Ulbmilin lea hehttet lobiis doaimmaid doarjuma.

Mearrádus geavahuvvo go eiseválddit mat hálldašit dihto ortnega leat dahkan áššemearrádusa mas čuožžu ahte dat olmmoš lea rihkkon dan njuolggadusa eaktodáhtolaččat dahje fuollameahttumit. Dakkár oktavuodain sáhttet boazodoalloeiseválddit dollet doarjaga orohatplánaide dassázii go dilálašvuohta lea njulgejuvvon.

Jus ohcci lea njulgen doaimmas ja dagahan ahte su boazodoallu lea lobálaš, de eai sáhte boazodoalloeiseválddit šat doallat doarjaga. Doarjja máksojuvvon nu jođánit go vejolaš go boazodoalloeiseválddit leat ožžon dieđu ahte dilálašvuohta lea njulgejuvvon.

Nubbi lađas nubbi čuokkis: Doarjaga dollen njuolggadusrihkuma oktavuodas

Mearrádus gusto roavva njuolggadusrihkumiidda. Go dihto njuolggadusa eiseváldi lea dieđihan ahte persovdna lea rihkkon njuolggadusa hui fuollameahttumit dahje eaktodáhtolaččat, de sáhtta doarjja orohatplánaide unniduvvot vaikko lobiis dilálašvuohta lea njulgejuvvon.

§ 10. Ruoktotmáksima dahje unnidanmeari sisagáibideapmi

Máksojuvvon supmi ja vuoigaduvvon supmi differánsa sáhtta ruovttoluottamáksinmearrádusa § 8 dahje unnidanmearrádusa § 9 mielde gáibiduvvot ruovttoluotta máksojuvvot dahje gessojuvvot boahstevaš doarjjamáksámušain.

Boazodoalloeiseválddiid gáibadusat sáhttet gessojuvvot doarjjavuostáiváldi doarjjamáksámušain.

Jus doarjjavuostáiváldi ii lean várrogas buori jáhkus máksima birra, de sáhttet reanttut gáibiduvvon dan rájes go ruovttoluottamáksingáibáduš bođii doarjjavuostáiváldái. Jus lea duodalaš eaktodáhtolašvuođas dahje rihkkumis sáhka, de sáhttet reanttut gáibiduvvot dan rájes go doarjja mii

Eanandoalldirektoráhtta

ii lean vuoigaduvvon máksojuvvui. Reantojuolgi galgá biddjot nu go reantojuolgi lea mearriduvvon Finánsadepartemeanttas § 3 mielde, lágas mearriduvvon juovlamánu 17. b. 1976 nr. 100 reanttuid birra manjonan máksima oktavuodas je.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádus bidjá njuolggadusaid doarjaga ruoktotmáksingáibádusaide go lea dahkkon áššemearrádus ruoktotmáksima birra ja/dahje unnideami birra §§ 8 ja 9 mielde.

Go Eanandoalldirektoráhtta lea dahkan áššemearrádusa unnidansupmi birra ja dahje ahte boasttomáksojuvvon doarjja galgá gáibiduvvot ruovttoluotta máksojuvvot, de sáhtta gáibádus gessojuvvot boahhtevaš doarjjamáksámušain. Dat guoská maiddái eará doarjjaortnegiidda maid doarjjavuostáiváldi ohcá ja maidda lea vuoigaduvvon.

Mearrádusa nuppi lađđasa mielde sáhttet maiddái boazodoalloeiseválddiid eará gáibádusat orohahkii dahje boazosearvái gessojuvvot doarjagis dan njuolggadusa mielde.

Eanandoalldirektoráhtta ja/dahje Eanandoallo- ja biebmodepartemeantta dat árvvoštallet supmi gáibideami geassima bokte. Doarjjavuostáiváldi oažžu čálálaččat dieđu ahte submi gessojuvvo oalát dahje belohahkii doarjjavuostáiváldi doarjjagáibádusain.

Jus ii mearriduvvo geassin olles ruovttoluottamáksingáibádusas, de doarjjavuostáiváldi oažžu rehkega man galgá geavahit go máksá ruovttoluotta.

Reanttut

§ 10 goalmát lađđasis lea rahppon vejolašvuohta ahte reanttut sáhttet gáibiduvvot ruovttoluottamáksima oktavuodas.

Reanttut eai biddjo jus doarjjavuostáiváldi lei várrogas buori jáhkus máksámuša birra, das oaivilduvvo ahte ohcci ii ipmirdan dahje livčče galgan ipmirdit ahte máksámuš lei boastut.

Jus doarjjavuostáiváldi ipmirdii dahje livčče galgan ipmirdit ahte máksámuš lei boastut, de sáhttet reanttut lasihuvvot dan áigemuttu rájes go ohcci oaččui ruovttoluottamáksingáibádusa. Dan árvvoštallamis deattuhuvvo dan maid dábálaš várrogas olmmoš seamma sajádagas ja dilálašvuođas ipmirdivčče dahje livčče galgan ipmirdit.

Jus doarjjavuostáiváldi lea leamaš hui fuollameahttun dahje eaktodáhtolaš ohcama dahje máksámuša oktavuodas, de sáhttet reanttut lasihuvvot dan rájes go doarjja máksojuvvui. Doarjjavuostáiváldi lea čájehan duođalaš fuollameahtunvuođa go láhtten spiehkasta oalát das maid dábálaš várrogas olmmoš seamma sajádagas ja dilálašvuođas livčče dahkan. Jus doarjjavuostáiváldi lea dihtomielalaččat dahkan dagu, de lea eaktodáhtolašvuohta.

Eanandoalldirektoráhtta bidjá reanttogáibádusa dan mearrádusa mielde. Reanttomearri biddjo reanttolága mielde manjonan máksima oktavuodas § 3.

§ 11. Váidinvejolašvuohta

Eanandoalloldirektoráhtta

Mearrádusa dán njuolggadusa mielde sáhtta váidit Eanandoallo- ja biebmodepartementii hálldašanlága olis.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.

§ 12. Fápmuiboahtin

Njuolggadus boahtá fápmui suoidnemánu 1. beaivvi 2024

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.